



送岡子窮叙  
復岡子究

洋学文庫  
文庫 8  
E 13



送周子歸家

大星剛處之數... 送周子歸家... 人之出斯時者... 信文行之實... 為博觀於長... 既之格附於...

Vertical text on the right side of the left page, likely a page number or a title.

龜井氏？

但原亦表矣

勝本也

送岡子窮叙  
 大虛剛柔之氣。搖動於乾坤之際。散為風雲。結為山岳。融通變化而生斯人。降之靈陽。視聽言動。無不精明者。此人之所以為五行之秀。万物之靈也。故人誰不願成德達材。名垂後世乎。難哉。君子之處世也。自古奇人俊士之為天下之駿。而流芳於後世者。皆無不由教與性者。逮世之已降。俗風既變。政教方濫。人之出斯時者。性既非顏閔。冉端之儔。而教亦非忠信文行之篤。是以禮義陵遲。人心不同。國無善教。鄉無淳師。而長上之教不嚴。師友之訓不切。則雖有夙夜之恪。餘力之功。或溺於所好。若流於所欲。而不能

終其材者。其患在敷矣。其道之也既正。其為之也亦勤。而不能成材達德者。其責在性矣。故至如彼至誠之君子。蟬脫汗俗。卓乎古今者。則天下鮮哉。自家君以詩書講業。四方負笈而來遊數百人矣。然觀其克終成器。屢々乎屈指而已。吾友岡子窮者周人也。夙懷揚名之志。遊學於四方者有年矣。敦牂之歲。航於西海。來學家塾。其為人也。嚴而和。簡而塞。有辨而謙。實駸々汗血馬也。余既善其為人。又觀其將有成。因問其所嘗師事。乃豐之廣廉卿也。廉卿吾黨之先鳴。可謂其性協於其教也。然至其成終達名。吾惡得質諸。今茲涖灘之春。子窮將肥之長崎。而學醫。乃徵言

其交遊。將以萃其行色。余亦臨別述隻言曰。余見於古今之變。而觀士人之行。雖照代政教之盛。猶有所憾於三代之英。願以語子。今之君子之為學。是非之不正。當否之不察。無如有。虛如盈。靡々揚々。徒以為禽犢耳。得志則夸美崇華。驕躁回過。未曾言顧行也。不得志則惡顯侮俊。視天下為濁世。侮大人為汗上。敖然如天下無己若矣。世之人雖惑而美之。豈與木石異乎。何在其為人。蓋古之君子博求篤察。言必忠信。行必篤敬。其進以禮。其退以禮。得志則聖明其君。膏澤其民。力行以不為己功。恭儉以接人己。不得志則或隱山阿。或處陋巷。悠然無所求於世。永無謾其

樂然垂名於簡策。不世不滅者非中孚之効乎。吾子  
選之。抑子之職在濟生民之病矣。至是予不能敢述  
一辭。姑且以余之所業贈子也。夫余非能言之士。然  
欲子之行訓告同窓之後進。而樹風聲於一方矣。故  
不辭其言之不文。云爾。

第三十五号

寫本

按

齊蘇氏曰書有以人  
廣激旭窓之文

原本紛失

復岡子究

日月不居。別來既九年。足下缺心之勤。業已酬矣哉。  
僕猶守舊盟矣。幸勿信流言。往歲託越人荒木季皮。  
致書於浪華貴亭。及得其信。始知足下以病晦迹焉。  
慘焉送日。爾後杉子重。官子容來訪。並見附寶緘。乃  
悉稍佳。而戒行器。不知今既東駕歟。聞之。以足下之  
聲藉甚於大都。去後或有議心衷者焉。今詳貴文。而  
知季皮之不僕欺哉。僕舊云。子究不死。後生有賴。僕  
亦非自欺者矣。語曰。一時取快。紛紜何妨。何況大業  
期之百年乎。是季皮之所言。況於僕乎。夫修業執己  
者。不免世之曉夕。君子於是怵惕以成其身。僕不以

為疑焉。而況足下今勵精於丕業者。豈累傭人之議哉。東都之遊。得其所哉。得其所哉。勉力。家翁今年盡六帙。八月十一日。實為懸弧之辰矣。侑觴之辭。亦不多。請求於遊道外。足下賜一言。所願也。若得所請。請致諸子容。謹乞。他不宣。

廣瀨旭窓の文たらしむ

原文表紙



